

अमर लोक कुण जासी गुरासा,
अमर लोक कुण जासी,
पांच तत्व री वणी कोटडी,
आ तो विखर जासी गुरूसा,
अमर लोक कुण जासी ॥

कुण है ठाकर कुण है साकर,
कुण है आगे दासी,
किया पुरुष री फरे दुआई,
कुण नघरीया रो वासी,
गुरूसा अमर लोक कुण जासी ॥

मन है ठाकर तन है साकर,
दस ईन्द्रिया दासी,
अविनाशी री फरे दुआई,
हंस नगरीया रो वासी,
गुरूसा अमर लोक कुण जासी ॥

कुण है गुरू कुण है सेलो,
कुण पुरुष अविनाशी,
को हंसा तुम किसको कहत हो,
वात वताऊ हासी,
गुरूसा अमर लोक कुण जासी ॥

शब्द गुरू सुरत सेलो,
अमर पुरूष अविनासी,
हंसा उल्ट भाई सोहन होत है,
पार ब्रह्म परकाशी,
गुरूसा अमर लोक कुण जासी ॥

गुरू जोरावर पुरा मिलिया,
वात वताई मने हासी,
हेमनाथ सतगुरू जी रे शरणे,
सत् अमरापुर जासी,
गुरूसा अमर लोक कुण जासी ॥

अमर लोक कुण जासी गुरासा,
अमर लोक कुण जासी,
पांच तत्व री वणी कोटडी,
आ तो विखर जासी गुरूसा,
अमर लोक कुण जासी ॥

गायक जोगभारती जी ।

Upload By
Ganpat puri and Bharat giri
7073119864

Source: <https://www.bharattemples.com/amar-lok-kun-jasi-gurasa/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>